

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

talia non aliquando recidunt. Habet enim profecto amicos Lutherus & constans hic quidam apud omnes rumor perseverat, à nostris Doëtoribus inanes fabulas & ineptissima quæque commenta, sponte admitti tolerarique, at si quis interea Evangelicam veritatem ac legem DEI purius edoceat, eum tandem omnibus odibilem videri, sed iis potissimum intolerabilem existere, qui spiritualitatis sibi nomen peculiariter usurpant. Faxit obsecro DEUS Opt. Max. ut semen vestrum, quod Domino auxiliante in terram bonam cadit, indes multiplicetur & fructum afferat, quem debet. Vos modo, uti cœpistis, pergite, quodque factu optimum censetis, scribite, invulgate, spargite ac invicem succurrite, ut conculcatum suffocatumque Christi semen vobis auctoris succrescat. Idque cum hætenus diligenter fecistis, tum in posterum ne cessetis, rogo. Neq; enim in cassum laborabitis, qui primum laudem inter homines immortalem promereamini, mox dignam vestro conatu mercedem accipiatis. Superest ut te rogem, ut hoc meum ad te scribendi propositum boni consulas, optimamque in partem interpreteris, neque alia mente isthæc à me fieri, nisi ut ipse te Magistro ac Duce, quæ rectissima sunt, sentiam, deinde eadem aliis, quoad possum, ante oculos proponam. Si quid ad ista rescribere voles, rogo autem rescribas, literas tuas Augustam ad Fucaros mittere poteris, nam inde Viennam atq; illinc ad me facile perferentur. Orationi me tuæ interim committo, optime ac religiosissime Pater. Vale. Ex arce Znoyma.

Artlebus de Boskovicz & Tschernaho,

Dominus in Vran. supremus Capitaneus Marchionatus Moraviensis, sua manu propria.



LII.

Ex literis Jacobi Ziegleri, Landavi Bavari, ad Erasmum.

Româ XVI. Febr. MDXXII.

A pud Cyprianum desideras Pontium Diaconum, Is in potestate est vel Episcopi vel collegii Vratislaviensis apud opera Cypriani per insigni codice, scribes tu Canonico ejus Ecclesiæ Stanislao Sauro, erudito homini, si is adhuc vivit, vel potius certiusque collegio, quoniam illud intermori non potest. Codicem ego vidi concretum in tempus Simoni Sunfeldo Doctore medicinæ, homini hebræa, græca & latina lingua docto, & cui est ad Capnionem nostrum antiqua familiaritas. Habes, Erasme, indicia quibus codex indagetur, dignus, qui omni diligentia perquiratur. Siquidem Pontius in hoc argumento magnos auctores Cornelium, Athanasium aut Hieronymum assequutus est. Plinianæ historiæ ad Vesuvium passionem, si tu hoc

Sss ss

ver-

verbum admittis, numeris omnibus expressit. Malusque genius illi meritum rependat, qui Martyris & historiæ dignitatem ad sordes abiecit, quibus ipse inquinatus erat impurus deflorator. Quod scelus Gallo imputo. Hæc enim gens inepta quadam ingeniorum ad veteres contentione per omne eruditionis genus idoneos autores una conspiratione vel funditus sustulit, vel indoctè defloravit, vel illorum titulis scelerate abusa indoctas fabulas & hyberis neniis nugaciores nostro tempori obtrusit. In illo legitimo exemplari est locus: steter ad lineam: ille, toties dico, deflorator reposuit: steter in lineis, & profecto non alio loco justius dabitur errori venia, postquam enim superioribus Cyprianum exutum legerat, rei consequentia ferè invitabat, ut eum in lineis produceret. Verum hoc tenuius, cum prior lectio sumum & germanicum pondus seruet, quemadmodum inter fontes allegatus Martyr supplicium ordine evocatus excepit. Hoc admonere libuit, ut loco censuram pro tuo iudicio adhibeas. Descripsi olim Ratisponæ in Bibliotheca ad Emmeranum Commentaria Divi Hieronymi in Epistolam ad Galatas. Memini adhuc multa illic inter initia legi, quæ in vulgatis libris defunt. Etiam in Commentariis in Matthæum desidero aliquid, quod puto, me illic legisse, credibile est, eam lectionis copiam vicissim & inopiam pluribus locis deprehendi. Oro hic humanitatem tuam, ut mittas illuc hominem idoneum, qui totum Hieronymum ad illa exemplaria conferat, si non alium fructum, quod nunquam credam, certè istum maximum capies, Emendationem tuam ad venerandæ vetustatis codices & per Imperatorem quempiam ex Italiae incorrumpita aliqua bibliotheca illuc translato expendisse. In Roro monasterio Canoniorum regularium celeberrimo Bavariæ inferioris codex est non magnus, nec antiquus, in quo sunt Divi Hieronymi titulo ternæ in singulos Evangelistas expositiones, breves & non quæ doceant, sed admoneant lectorem, comparatæ aliunde intelligentiæ. Aliud tibi de opere ferre iudicium ex veteri memoria non possum. Densos autem & argutos esse oportet, si Autorem inscriptione non mentiuntur. Fuerit tuæ diligentæ, instituire rationem, ut hujus operis periculum præsentius facias, si qua fortuna reddas Hieronymum auctiorem. &c. &c.

LIII.

Berquinus Erasmo.

Rursum crabrones irritati. Hæresicos me accusarunt apud Senatam ac delegatos Papæ, non ob aliud, quam quod lucubrationes tuas aliquot in vernaculam veterim linguam, in quibus hæreses impiissimas ausi sunt affirmare. Olseci protinus, quidnam illi molirentur, ut videlicet libri Erasmi, si diis placet, velut hæretici cremarentur, & una cum eis Berquinus, ni tanquam tales abjureret.

Quod
hab-